

歷代大儒詩鈔卷十八

滇西趙州後學谷際岐西阿甫彙鈔

受業諸子 男 全校

司馬子三

律詩

賞花釣魚一首

飛廉通上苑。鳩鵲帶天淵。樹色含春霧。波光靜曉煙。香
飄仙仗外。花舞御扈前。籊籊文竿裊。篔篹素鮪鮮。誤陪
金馬籍。愧奉柏梁篇。願獻南山壽。宸遊侍億年。

歷代大儒詩鈔

卷十八

司馬子三

一

采蘭堂

邇英閣讀畢後漢書蒙恩賜御筵

赤伏開興運。昆陽定壯圖。官儀還舊物。郊兆建新都。杲
日羣陰破。油雲萬類蘇。鑿輿陟喬嶽。璽綬撫匈奴。厚祿
優諸將。嘉猷訪大儒。重明紹堂構。奕葉奉規摹。叔世條
綱紊。遺風節義扶。袁安空隕涕。楊震卒蒙辜。佞指車前
鹿。人瞻屋上烏。爰精盡河渚。黃皆兆當塗。青簡傳良直。
金華侍燕娛。興衰炳轍跡。淑慝粲龜符。赫赫天光照。孳
孳睿思紆。方齊建武治。不啻永平俱。化盛文明正。恩隆
飲食需。晞陽慙杞棘。濡味愧鵝鶡。帝力生成大。臣功報

效無先民誠可監願不忘斯須

奉和江鄰幾文德殿觀文武百官等上尊號十

五韻

六月七日

舜禹曾何與。義農實強名。含靈徒叶贊。造物始無情。閭
闔非煙澹。觚稜曉氣清。葳蕤大衢隘。殷鑠外朝盈。鮮旭
分衣繪。薰風拂佩瓊。華顛方內集。殊俗海隅傾。榮戟金
闈奧。囊書楮案橫。敷言齊列位。稽首從羣卿。不報乾坤
施。難圖日月明。仁心由性得。治體與時行。金石皆中欵。
丹青豈外榮。功歸元首重。澤及草茅輕。業業冲虛意。區
區愛戴誠。何爲猶讓德。不以慰懷生。退復歌天保。期於
采頌聲。

寒食御筵口號

二首

雨意沉沉潑火餘。夔龍盛集退朝初。酒殺絡繹來丹禁。
冠劍參差下玉除。紫鳳歸飛雲爛漫。黃鸝新囀柳扶疎。
麥禾滿野邊烽息。佳節何妨賦樂胥。

聖主褒優鼎軸臣。金觴玉醴照青春。萬家煙火朝來靜。
九陌風光雨後新。高鶯翻飛驚紫綬。餘花點綴託朱輪。
問牛因得觀民俗。不獨嬉遊惜令辰。

歷代大儒詩鈔

卷十八

司馬子三

二

采蘭堂

和王道粹春寒趨館馬上口占

殘臘尚要春。清寒更著人。雪華猶惜別。物意倍添新。雲
壓宮城重。風調玉漏勻。行遊宜結轡。九陌未多塵。

和王道粹垂拱早朝王范二直閣班列在前戲

成小詩

霽日扶霜仗。祥煙覆曉班。帝居回北斗。天闕竦南山。紫
殿鴻鸞肅。金門虎豹環。蓬萊兩仙伯。迥立白雲間。

八月五日夜省直

大火已西落。溫風猶襲人。畱連惜紈扇。散誕脫紗巾。蟾

歷代大儒詩鈔

卷十八

萬字三

三

采蘭堂

影夜色。淺蛩聲。秋意新。圖書足自適。何物更關身。

八月七日夜省直苦雨二首

悵望中秋月。於今已上弦。明生圭樣小。影露桂華偏。幽
思邈難致。浮雲去不還。何當出陰翳。清徹照中天。
菊藥如排粟。青青見葉心。未嘗窺白日。何以散黃金。歛
側疎籬短。脰延蔓草深。寒蛩爾何與。終夕亦悲吟。

又和雪

四簷水管未全晞。一夕陰風雪又飛。客卧牛衣憂死別。
人畱玉塞望生歸。公車歲晚憐東郭。遼海雲深失令威。

頗憶當年映書否。物華如舊鬢毛非。

和王粹道雪夜直宿

天祿凝嚴近紫臺。書幃夜對雪華開。層樓直倚寒空出。
清漏還從深殿來。薄夢不成冰柱折。曙光先到玉花催。
兔園終是諸侯事。虛費相如能賦才。

寒食南宮夜飲

積旬留省容易度。春華芳草踏青晚。長楸行樂除雲
疎。時送雨風細。暗飛花。直有黃金百。無因過酒家。

和范景仁夜讀試卷

歷代大儒詩鈔

卷十八

司馬子三

四

采蘭堂

案前官燭墮。花頻滿。目高文妙入神。勇氣先登勢無敵。
巧心後發語尤新。好賢何啻三薰。貴求寶方知百汰。真
愚魯自非憑驥髮。崑山千里到無因。

代叔禮作使北詩

人主愛民物。心無彼此情。約歡同一國。蒙福徧羣生。玉
帛遙相望。風波寂不驚。熙熙南北海。所至盡生平。

又擊毬

肅奉乘軺命。仍陪戲馬遊。朋分初迴出。勢合復相收。顧
盼華星激。縈回紫電流。良因重嘉好。禮接使臣優。

寄題錢君倚公輔明州重修衆樂亭

橫橋通廢島。華宇出荒榛。風日逢知己。湖山得主。人使君如獨樂。衆庶必深嚮。何以知家給。笙歌滿水濱。

寄題李舍人偉蒲中新齋

隴上家聲勇氣殊。邊庭臥鼓欲安居。非同王翦私求宅。更似甘寧晚好書。劔倚寒窗風浙瀝。門無雜客柳蕭疎。蒲州風土平生愛。爲問旁鄰地有餘。

寄題常州東山亭一首

闕闕崔嵬動四方。入門鸞鶴自成行。青綯舊已臨佳郡。

歷代大儒詩鈔

卷十八

司馬子

五 采蘭堂

墨客新歸耀故鄉。醉舞幾應摧屐齒。對碁正欲賭香囊。階庭玉樹寒相照。更使東山逸氣長。

遊李衛公平泉莊

相國已何在。空山餘故林。曩時堪炙手。今日但傷心。陵谷尚未改。門闌不可尋。誰知荆棘地。鶴蓋舊成陰。

寄題李水部庠滙水別業

茅茨臨素滙。沃野帶長林。日永一堂靜。草生三逕深。消憂何用酒。爲樂不須琴。擾擾市朝客。無人知此心。

寄題濟源李少卿章園亭

縣僻人事少。土肥風物殊。杖刊靈壽木。輪裹溟梁蒲。竹
不減淇水。花仍似洛都。主公眉雪白。遊覽未嘗扶。

戲書宋子才止足堂

舉世戀榮祿。夜行無乃勞。獨君年未至。止足一何高。矮
製烏紗帽。寬裁白氎袍。華棖坐終日。閒按紫檀槽。

寄題張著作

中理善頌堂嘉州公裕學士之父

玉壘老先生。逍遙樂太平。門闌百客盛。冠蓋一鄉榮。國
族招邀近。堂皇指顧成。江山對平遠。圖史散縱橫。止水
中心適。秋毫外物輕。鯉庭新露晷。閭巷不須驚。

歷代大儒詩鈔

卷十八

司馬子三

六

采蘭堂

寄題刁景純藏春塢

景純致政歸京口治其所居命曰藏春塢前有一崗

皆松林命曰萬松嶺

藏春在何許。鬱鬱萬松林。永日門闌靜。東風花木深。主
公今素髮。野服遂初心。時與鄉人醉。高歌散百金。

遊瀍上劉氏園

日暖孤臺迥。露濃幽徑微。茅齋舉白飲。沙澈踏青歸。照
水清滿眼。穿林香溼衣。莫言春尚淺。已有杏花飛。

題致仕李太傅園亭

漢家飛將種。氣概耿清秋。解去金貂貴。來從洛社遊。清

商擁高宴。華館帶長流。可笑班超老。崎嶇萬里侯。

漁父

楚岸橘花香。扁舟泛渺茫。短蓑衝密雨。素髮淨秋霜。煙外鳴榔遠。波閒擲線長。無人識名姓。擊楫入滄浪。

山中早春

山木欣欣意。春光次第催。歌巾望歸鴈。伏檻聽新雷。巖靜聞冰折。巢空喜燕來。澗花從寂寞。亦向草堂開。

贈學仙者

微徑透重巒。茅堂竹葉冠。方瞳映骨靜。秀氣逼人寒。夜

歷代大儒詩鈔

卷十八

司馬子三

七

采蘭堂

火燒丹竈晴。霜醮石壇不。須驚淺俗輕。舉入雲端。

入塞

萬騎入榆關。臯蘭苦戰還。摧鋒佩刀缺。蹋血馬蹄殷。鏡吹來風外。牛羊出霧閒。須知沙塞惡。壯士變衰顏。

和人葦花

葦芟迷河曲。高秋一番榮。齊紈張野白。楚練照川明。不夜月長皎。踰時雪未晴。萬仙霓帔合。千畝玉苗生。漠漠波瀾偃。茫茫沙磧平。際空監海竭。垂地塞雲橫。日暖鷗無色。風高鶴有聲。逢君得嘲賦。豈愧束薪并。

華清宮

新豐雞犬稀。薊北馬秋肥。金殿翠華去。玉階紅葉飛。荒
林上路廢。溫谷舊流微。嗟此非人事。何須問是非。

虎牢關

天險限西東。難知造化功。路邀三晉會。勢壓兩河雄。餘
雪霑枯草。驚飈卷斷蓬。徒觀爭戰處。今古索然空。

雙竹 有引

草木類同而種殊者竹爲多杭州廣巖寺有
雙竹相比而生舉林皆然其尤異者枯樹腹

歷代大儒詩鈔

卷十八

司馬子

八 采蘭堂

中自其頂出森然駢竦樹如龍蛇相縈矯首
砒然予見而賦之

雙翰標枯腹。青青凡幾霜。龍騰雙角直。鯨噴兩鬚長。詎
欲尋支遁。安能問辟疆。屢來非別意。未與此君忘。

西谿公讌一首

五馬非從樂。西城念勸功。翠帷低映水。紅旆不勝風。葉
脫青山靜。雲歸碧落空。淹留盡佳興。新月漸朦朧。

過故洛陽城

四合連山繚繞青。三川滉漾素波明。春風不識興亡意。

草色年年滿故城。

和李殿丞倉中對菊

涼風正蕭瑟。好月復徘徊。幽興眇不盡。芳樽時一開。餘
英蓋紅葉。墜露溼蒼苔。從此東籬下。應忘歸去來。

松江

吳山黯黯江水平。欲雨未雨傷交情。扁舟蕩漾泊何處。
紅蓼白蘋相映生。

秋風索索連江起。暮過煙波十餘里。長蘆瘦竹映漁家。
燈火渺茫寒照水。

歷代大儒詩鈔卷十八

司馬十三

九 采蘭堂

旅宿睢陽南湖

梁王棄宮館。時世古今違。猶有南湖水。春來鴈鷺飛。樓
臺沈倒影。林薄挂餘暉。豪俊終何在。行人得暫依。

遊延安宿馬太博東館

字承之

高館寂無譁。安閑勝在家。暮煙凝塞上。埃火落天涯。坐
久筆生凍。夜闌燈作花。主人意未盡。歸路不爲賒。

送何濟川

陟

爲龐公使慶陽。席上探得冬字。

幕府遙三舍。傳車乘一封。忠深輕遠道。醉暖失嚴冬。圓
水猶飛檄。蘆關未滅烽。賢侯雖喜士。難得久從容。

延安道中作

鞞旅兼邊思。川原蹀血新。煙雲長帶雨。草樹不知春。細水淘沙骨。驚飈轉路塵。今朝見烽火。白首太平人。

鷺鷥

清閒自合無憂累。白髮何因更颯然。遙望孤飛下秋水。雪花一片落晴天。

九日懷聶之美

時余在河南聶在陳州

錢塘江裏扁舟上。別後籬花幾度黃。憂患縈心何繚繞。風光滿目盡淒涼。誰同鑿落盃中酒。獨繫茱萸肘後囊。歷代大儒詩鈔卷十八

司馬子三

十 采蘭堂

可復無書道情素。雲閉空有鴈南翔。

太室橫山蔽十里。相思空復上高臺。甕頭白酒行當熟。籬下黃花稍復開。陶令不無同醉興。孟君況有解嘲才。欲憑西北高風勢。飛度轆轤勸一盃。

晚秋洛中思歸東園

不利不名空去國。鴈飛葉落未歸來。秋風肯待主人至。籬下黃花隨意開。

和陳殿丞芍藥

化工餘巧惜春殘。更發濃芳繼牡丹。檀點藏心殷勝纈。

異香迎鼻。酷如蘭。瓊樓窈窕。仙家宅。雲葉低垂。醉裏冠
纈。子樓子醉西。施皆芍藥名品。自有殊功。存藥錄。不當獨取。鄭詩看。

到任明年被旨罷官有作

恬然如一夢。分竹守長安。去日冰猶壯。歸時花未闌。風
光經目少。惠愛及民難。可惜終南色。臨行子細看。

歸田詩

同年張翊輔嘗語及仕宦之多端。因稱仲長

子有言。使吾有良田美宅。背山臨流。適意極

樂。誠無事於此。慨然感之作歸田詩五章

歷代大儒詩鈔

卷十八

司馬子

十一

采蘭堂

秋水風波大。嗟嗟未可遊。漁樵自應樂。珪組爲誰憂。直
木知先伐。明珠忌暗投。果然鉤可曲。不惜取封侯。

紱冕誠虛器。簪裳悉畏塗。觸機身未保。好直道先孤。甌
石曾何有。田園浪更無。可能推兩耜。沮溺共爲徒。

聖哲雖云遠。遺文幸未亡。沈冥觀禮樂。髣髴見虞黃。雞
黍延三逕。琴書樂一堂。逍遙名教內。富貴亦微茫。

松菊陶潛宅。蓬蒿仲蔚家。行游筇杖瘦。嘯傲幅巾斜。屋
小疎茅覆。門深亂柳遮。村童迎客至。竹箒掃桃花。

桑柘綠無際。田間戴勝飛。清醪迎社熟。鳴雉向春肥。執

未時將急。銜盃日漸稀。四鄰能共樂。招飲莫相違。

詠史三首

不事王侯者。儵然鄭子真。開田谷口美。荷鋤白渠春。德
化移鄉曲。聲光動搢紳。一時鐘鼎貴。磨滅彼何人。
延陵腰利劍。上國使初通。待我周游徧。逢君遣莫終。晶
熒繫高樹。蕭瑟動寒風。誰敢欺生死。蒼蒼照爾衷。
春風三閣上。珠翠日紛紛。樂飲陶江月。清歌遏海雲。醉
中失陳國。夢裏入隋軍。玉樹庭花曲。淒涼不可聞。

漢宮詞

歷代大儒詩鈔

卷十八

司馬志三

十一 采蘭堂

苜蓿花猶短。蒲萄葉未齊。更衣過柏谷。走馬宿棠梨。逆
旅聊懷壘。田閒共鬪雞。猶思飲雲露。高舉出虹蜺。

讀漢武帝紀

方士陳仙術。飄飄意不疑。雲浮仲山鼎。風降壽宮祠。上
藥行當就。殊庭庶可期。蓬萊何日返。五利不吾欺。

詠寒士

洋洋泌水側。蓬室苦蕭條。衣薄難勝夜。厨閒空過朝。笑
設東郭履。歌誦買臣樵。但問才何似。無疑卿相遙。

呂祿廟

赤帝祚四百。徒然諸呂謀。出游逢友賣。未返見家收。敝冢首無託。遺祠今幸留。士心俱左袒。何怨曲周侯。

梅花三首

從與夫君別。寒花幾度春。坐愁芳樹老。况乃鑑中人。塞北爲君戍。江南是妾家。遙知關外雪。正似嶺頭花。驛使何時發。憑君寄一枝。隴頭人不識。空向笛中吹。

雲際亭

高齊杳冥際。迴與世塵違。席上山河近。天邊桑柘微。人間已飄灑。棟裏始紛霏。草樹收殘照。逍遙久未歸。

歷代大儒詩鈔

卷十八

司馬子三

三

宋蘭堂

和孫器之清風樓

賢侯宴牧馬。歌鼓事繁華。晚吹來千里。清商落萬家。平原轉疎雨。遠樹隔殘霞。宋玉雖能賦。還須念景差。

先春亭

園林近鈴閣。旦夕被仁風。自得芳菲早。豈將疎遠同。冰開半塘綠。雨借數枝紅。會待韶光徧。還應到野叢。

五哀詩

并序

孔子惡利口之覆邦家者甚矣。讒之爲害。不可一二數也。聊觀戰國以來楚之屈原。趙之

李牧漢之晁錯馬援齊之斛律光皆負不世之才竭忠於上然卒困於讒不能自脫流亡不得其所而死或者國隨以邱墟此其尤可大哀者也因卽其事作五哀詩且以警後世云

屈平

白玉徒爲潔。幽蘭未謂芳。窮羞事令尹。疎不忘懷王。冤骨消寒渚。忠魂失舊鄉。空餘楚辭在。猶與日爭光。

李牧

歷代大儒詩鈔

卷十八

司馬三

十四

采蘭堂

椎牛饗壯士。拔距養奇材。虜帳方驚避。秦金已闕來。旌旗移幕府。荆棘蔓叢臺。部曲依稀在。猶能話郭開。

晁大夫

人主恩猶盛。讒夫弄舌端。旋聞就斧鑕。不得解衣冠。反虜齒纒冷。謀臣心盡寒。晁宗雋類盡。漢室泰山安。

馬伏波

漢令班南海。蠻兵避鬱林。天涯柱分界。徼外貢輸金。坐失姦臣意。誰明報國心。一棺忠勇骨。漂泊瘴煙深。

斛律丞相

君臣日荒晏。歌舞諱言愁。老相猶當國。強鄰不敢謀。謠言雖未出。姦謗已先流。誰察忠臣意。通宵抱膝憂。

遣興

京洛紅塵裏。閉門常獨居。雖無守道愧。終與趣時疎。文舉徒飛表。曹邱懶挾書。誰憐從宦久。不及策名初。待免謀真拙。屠龍藝亦虛。何當洽歸計。松菊繞吾廬。

閩吏

敝車羸馬犯塵泥。愁到朱門徧徧辭。相國舍人難驟見。將軍馬監豈相知。因循歲月勞何補。顛倒風埃辱固宜。歷代大儒詩鈔卷十八司馬子三十五 采蘭堂
惆悵東岡舊陂在。素心空負白雲期。

風

隴首紅旌急。罇前翠幕重。林端翻遠剎。花外轉疎鐘。夜寂清機發。春闌別意濃。如何玉琴韻。併欲在青松。

出塞

邊草荒無路。星河秋夜明。卷旗遮虜塞。歇馬受降城。霜重征衣薄。風高戰鼓鳴。將軍功未厭。士卒不須生。

古松

摧頽巖壑閒。磊落得天頑。香葉低漸水。餘根倒挂山。白

猿窺子落黃鶴認巢還不久應爲石莓苔舊已斑

塞上四首

節物正防秋關山落葉稠霜風壯金鼓霧氣浮旌裘未
得西羌滅終爲大漠羞慙非班定遠棄筆取封侯
鴻鴈秋先到牛羊夕未還旌旗遙背水亭堠遠依山落
日銜西塞陰煙澹北關何時獻戎捷按甲一朝閒
瀚海秋風至蕭蕭木葉飛如何逢漢使猶未寄征衣不
歎千里遠難甘一信稀年年沙漠鴈隨意得南歸

劍客蒼鷹隊將軍白虎牙分兵邏回水縱騎獵鳴沙浪

歷代大儒詩鈔

卷十八

司馬子

其

采蘭堂

有書藏袖難憑信達家不堪聞曉角吹盡落梅花

晉陽三月未有春色

天心均煦嫗物態異芬芳上國花應爛邊城柳未黃清
明空改火元己漫浮觴仍說秋寒早年年八月霜

柳溪對雪

春風不勝雪散漫度龍沙密映綠谿柳爭飛亂眼花鴟
夷賒美酒油壁繫輕車塞下芳菲晚聊將當物華

和道矩送客汾西郵舍杏花盛開置酒其下

田家繁杏壓枝紅遠勝桃夭與李穠何事偏宜閒處植

無端復向別時逢。林閒暫繫黃金勒。花下聊飛碼碯鍾。
會待重來醉嘉樹。只愁風雨不相容。

北軒老杏其大十圍。春色向晚止開一花子。憫
其憔悴作詩嘲之。

春木爭秀發。嗟君獨不材。須慙一花少。強逐衆芳開。頑
豔人誰采。微香蝶不來。直爲無用物。空爾費栽培。

杏解嘲

造物本非我。榮枯那足言。但餘良幹在。何必豔花繁。壯
麗華林苑。歡娛梓澤園。芳菲如可采。豈得侍君軒。

歷代大儒詩鈔

卷十八

司馬子三

七

采蘭堂

寄陝西提刑江學士

明主矜庶獄。選才從本朝。鄴侯三尺律。漢使一封軺。郡
國清名滿。關河古意饒。淒涼乘障客。華髮日蕭蕭。

從始平公城西大閱

滄溟浴日照春臺。組練光中玉帳開。汾水騰凌金鼓震。
西山宛轉旆旌迴。遙靜散晴空。雨叱咤。橫飛迴野雷。
坐鎮四夷真漢相。武侯空復道英才。

和樂道自河外南轅過宜芳雨晴和氣景物可

愛馬上偶成

京洛春應老。河邊初解顏。碧浮煙際草。翠滴雨餘山。日
極褰帷外。詩成攬轡閒。滿川桃李色。共喜傳車還。

中秋夜始平公命與考校諸君置酒賦詩

月華秋色兩鮮新。萬里澄空不受塵。兔濯素毛騰浩露。
桂飄香實下飛輪。光侵酒面寒無力。清入詩毫健有神。
坐客何須辭醉倒。相君應不惜車茵。

和錢學士呈邵興宗

公輔

霜露蒼蒼宰樹高。累茵列鼎重鴻毛。蒹葭自幸猶依玉
體。髀何能學奏刀。才薄無由裨覆燾。命奇不得報劬勞。

歷代大儒詩鈔卷十八

司馬子三

十八

采蘭堂

光仕始周歲
二親繼喪

平生念此心先亂。蓼蓼難分莪與蒿。

曉思

東帶朝尚早。蓬門未脫扃。短籬潛落月。老樹帶孤星。隱
几貂裘黑。開編竹簡青。子雲非執戟。何以得窮經。

錢君倚示詩有歸吳之興爲詩三十二韻以贈

吳越爲君土。嶠函是我家。濯纓從吏事。傾蓋聚京華。奕

世交朋重。

二先君景德二
年同年進士

同僚分誼加。

光與君倚崇文
吏部開封皆同

官聲光嘗耳。剽臭味辱肩。差選士參縣石。烝髦應椽置。

帝畿圍日月蓬堵積煙霞咨訪傾肝膽推裏借齒牙後

來慙瓦礫旁倚愧蒹葭設論寥天一詠諸老柏槎虛舟

坦莫逆璞玉瑩無瑕信美陪游衍胡爲起咄嗟勞歌盡

鄉思旅夢各天涯誠厭簪紳累難堪獄訟誅銛甯朝插

蝟貫索暮如麻霖霖霑朝服蝴蝶沸尹衙宿姦牢窟宅

弊俗費鞭撻鱸鱸思吹絮吳中食鱸魚鱸以楊花爲候羊羹憶臥沙

關中美羊有卧沙細肋梅林連雨熟梨味得霜佳秋色城臨水春

風路入花稻肥初斷蟹斷蟹事見笠澤叢書桑密不通鷓秦人謂桑蜜有

鷓飛不過之語蹙岷浮盤芡鉤聯臥壠瓜江蓴半卷葉石蕨乍

歷代大儒詩鈔卷十八

司馬三

九

采蘭堂

舒芽風物隨鄉樂山川苦道遐若人才有裕脩己德無

邪正恐臨醜安能捨鏡鉅怒飛期寢逼肥遯迹猶賒

不比溝中木微同井底蛙果能真引去誰復強邀遮旋

結蝸牛舍還乘下澤車閉門常反拒醉憤任欹斜林野

游如鹿泥塗蝥似蛇故人時記憶陽羨致新茶

和任屯田

迴字元道

感舊敘懷

結交英俊樂如何風誼敦明寄詠歌自致青雲今有幾

化爲異物已居多櫝中本自沽良價毫末安能滑至和

鄰笛不堪頻歎息。酒爐那得重經過。年華易度窗塵影。
人事難期海水波。賢業著鞭猶可在。況君壯齒未蹉跎。
次韻和冲卿中秋隴月
豈無錦幄翠簾垂。匝樹明燈正赫曦。共惜月華方滿夜。
更當秋色中分時。烏皮几穩風侵鬢。白玉樓高冷透肌。
千里浮雲何處斷。北來試問鴈應知。

和始平公郡齋偶書二首

文武從容兩有餘。公槐將幕往來居。已安四海如三傑。
欲散千金比二疏。今日監邊親跪轂。佗年入殿賜乘車。
歷代大儒詩鈔

卷十八

司馬三

二 采蘭堂

武侯誓爲蒼生起。長憶隆中臥舊廬。
平安候火出雲閃。區脫無塵刁斗閒。漢相威聲遙制敵。
胡兵遠迹夜開關。赤松雅意思輕舉。黃閣羣心望復還。
玉帳牙旗空壯觀。謝公高興在東山。

春獵

小苑微寒春鴈飛。石關宮外草萋萋。漢家旌旆連圍合。
秦國山川入望低。花色纔臨珠綴發。柳陰欲傍金隄齊。
韓嫣承恩來視獸。飛塵遙出建章西。

柳枝詞十三首

煙滿上林春未歸。三三兩兩雪花飛。柳條別得東皇意，
映隄拂水已依依。

依依高樹出宮牆。搖曳青絲百尺長。願與宣溫萬年樹，
年年歲歲奉君王。

君王游豫賞青春。折柳爲拳賜侍臣。莫怪長條低拂地，
只緣供掃屬車塵。
屬車隱隱遠如雷。陳后愁眉久不開。楊花都不知人意，
故入長門宮裏來。

長門宮曉未成粧。結雨縈風蔽瑣窗。莫令透入華梁鷺，
歷代大儒詩鈔

卷十八

詞薦三

三

采蘭堂

那堪負汝更雙雙。

雙雙春鷺颺雲霄。楚國宮深樂事饒。會待急管繁絃際，
試取織條並舞腰。

舞腰續紛長樂東。柳閒帳飲送春風。請君試望邯鄲道，
青門裊裊徹新豐。

新豐道上灞陵頭。又送夫君去遠游。借問柳枝能寄否，
古今共有幾多愁。

多愁尤是別離深。折條相贈各沾襟。畱住不住居人意，
欲去未去行人心。

行人白馬去遙遙。初上金陵欲過橋。望塵不見遮人眼。
苦怨無情萬萬條。

五柳先生門乍開。宅邊植杖久徘徊。陌頭遙認顏光祿。
詰旦先乘瘦馬來。

白雪雖然比絮花。豔陽不得共繁華。爲君故入烏衣巷。
飛舞風流謝傅家。

宣陽門前三月初。家家楊柳綠藏烏。歡似白花飄蕩去。
忍能棄擲博山爐。

上郡南三十里有相思亭在大山之麓二水所

歷代大儒詩鈔

卷十八

司馬子三

三

采蘭堂

交平臯之上往來者徒習其名莫詳其義慶歷

甲申歲余適延安過於其下于時夏虜梗邊征

戍未息竊感東山采薇之義敘其情而愍其勞

因作五詩庶不違周公之指且以釋亭之名爾

慶歷四年作

嶺上雙流水猶知會合時。行人過於此那得不相思。

偃蹇登脩阪高侵雲日閒。幾人征戍客跋馬望家山。

塞下春寒在東風雪滿鬚。河陽機上婦知我苦辛無。

柳似妖饒舞花如爛漫粧。那堪隴頭水嗚咽斷人腸。

空外游絲轉。飄揚似妾心。別來今幾日。彷彿近雕陰。
寄清逸魏處士

鄉樹三搖落。臨風歌式微。徒嗟俗緣重。端使素心違。茅
閣杉松冷。山園藥草肥。不能如海鷺。歲歲一西飛。

二月三十日與同舍宴李氏園晚歸馬上賦詩
門前蹀躞金羈滿。坐上連翩玉笋飛。數尺遊絲留客醉。
一行垂柳送人歸。同邀勝友時難得。重到名園花已稀。
莫惜芳辰賸行樂。無端風雨橫相違。

雙井茶寄贈范景仁

歷代大儒詩鈔

卷十八

可馬子三

三

采蘭堂

春睡無端巧。逐人驅訶不去。若相親。欲憑洪井真茶力。
試遣刀圭報谷神。

正月二十四日夜雪

疊瓦浮輕雪。參差粉畫難。苦欺初變柳。故壓未生蘭。夜
色微分白。春容不受寒。卽爲花卉奪。猶得暫供看。

酬不疑雪中書懷見寄

直道免三黜。敢云羞小官。盤餐紅粟澀。衣桁黑貂寒。書
府容身易。侯門曲意難。荆扉盈尺雪。有客問袁安。

酬師道雪夜見寄

玉樹交橫雪後天。銀河沈著斗欄干。筆峯微結冰絲澀。
燈暈初成花燼殘。太學先生蘊苦薄。公車倦客履仍單。
欲吟佳句到清曉。夜寂愁聞金石寒。

錢子高有徐浩詩碑。石昌言借摹其文甫及數

本石有微釁懼而歸之子高答簡有碎珊瑚之

戲昌言以詩贈子高同舍皆和

司諫彥遠

徐公精筆老生神。石刻猶能妙奪真。幾爲通書翻喪寶。
愈令好事惜傳人。鋒鉞半折猶能健。圭璧微瑕自足珍。
直使盡隨如意碎。石家玉樹未全貧。

昌言家圖書所收最多

歷代大儒詩鈔

卷十八

司馬正三

三四 采蘭堂

又和二月五日夜風雪

春風正豪怒。夜雪復飄揚。勿使羈愁亂。自知清興長。
簾疎聲淅瀝。燈冷暈微茫。此夕牛衣客。成名不可忘。

雙竹詩

上苑通丹禁。脩林繞玉堂。周阿紆鏤檻。並榦擢新篁。
蕭灑駢瑤甃。連翩拂壁璫。虬騰雙角直。鯨噴兩鬚長。
曉泊煙華重。晴畱雨氣涼。分音成律呂。齊秀待鸞凰。
碧借雲霞潤。清依日月光。物情知有謂。天造固無方。
比節羣誠合。虛心至道彰。吾君愈勤德。不敢有嘉祥。

秦人

楚旗獵獵蓋山紅。回首咸陽一炬空。惆悵秦人虛用意。幾年辛苦得山東。

和子淵元夕

神嶽嶢嶢闕角齊。銀蟾無影玉繩低。風傳絲管交加發。燈滉星河上下迷。清醴橫飛金鑿落。香塵不染錦鄣泥。誰知此夕齋祠客。近在宮城槐柳西。

答劉遵父謝龐公惠炭

東郭先生履半穿。禦冬深愧主人賢。應憐道上雪欲積。

歷代大儒詩鈔

卷十八

司馬子三

五

采蘭堂

意使爐中炭復然。麴蘖暗添寒酒力。圖書共免溼薪煙。茅齋斗似饒光彩。客至何憂臘後天。

蘇門先生

長嘯蘇門石。行藏世莫知。逍遙心迹遠。寂寞姓名誰。鄉在無何有時方。不可為麒麟本神物。安得係而羈。

寄贈致仕劉都官

諷張元常云。諷年六十二。致仕夫婦皆徙居簡州。賴山

中有二子。皆有官。其一登進士第。諸孫皆好書。

星郎年未至。辭祿一何高。目瑩棲靈氣。眉疎出秀毫。胸中自有樂。身外盡徒勞。回首紅塵地。紛紛笑我曹。

解。被。沱。江。外。誅。茅。井。絡。邊。老。萊。夫。婦。隱。韋。孟。子。孫。賢。浮。
蟻。邀。秀。舍。蹲。鴟。種。薄。田。不。須。親。几。杖。想。望。已。蕭。然。范景仁詩

云移家尚恐青雲淺隱几唯知白日長朱公綽詩云疏草焚來應見史橐金散盡只留春

和吳省副

中復字仲庶

梅花半開招憑由張司封飲

伯玉字公達

帝鄉春色嶺頭梅。高壓年華犯雪開。正與嘉賓思共醉。
不須芳物重相催。從車貯酒傳呼出。側弁簪花倒載迴。
風雨難期王事劇。未知休沐幾旬來。

依韻和仲庶省壁畫山水

歷代大儒詩鈔

卷十八

司馬子三

天

采蘭堂

畫工執筆已心遊。稍稍蘅臯引杜洲。堆案煩文猶倦暑。
滿軒新意忽驚秋。天生賢者非無謂。官遇明時未易休。
正恐怒飛朝暮事。丹青難得久淹留。

秋夕不寐呈諫長樂道龍圖

雨氣生煙暈。霜寒入漏聲。疎籬過螢影。腐葉掩蟲鳴。邱
壑違初願。簪裾徇外榮。丹心終夜苦。白髮詎朝生。恩與
乾坤大。身如草木輕。何階致明主。垂拱視升平。

孟嘗

冠蓋盈門意氣豪。海魚兼雨未充庖。歸來散盡三千客。

方悟時入市道交

喜李侍郎

東之

得西京留臺

賤子何爲者。栖栖今二毛。滄波浮片葉。大塊載秋毫。利物物何補。營身身已勞。羨君遺世網。脫屣一何高。

始平公新作雙樗庵命光爲詩

閒氣生王佐。多才秉國鈞。棟隆憑杞梓。節勁仰松筠。底績承平業。遺榮壽考身。結廬依散木。退讓樂天真。

忝職諫垣日。負憂畏緬思。雲夫處士老。兄蕭然

物外何樂如之。因成浮槎詩寄獻以抒鄙懷

歷代大儒詩鈔

卷十八

司馬子三

毛

采蘭堂

秋水浮槎客。漂如一葉輕。鷗羣須仗信。鯨口幾忘生。耿耿天津潤。滔滔海浪驚。何時還故土。懷楫問君平。

奉和何濟川代書三十韻寄諸同舍

金馬延羣雋。芸香聚衆書。杳疑神境絕。深與世塵疎。氣逼煙霄爽。光分日月餘。不才叨誤選。故友幸聯居。雲蓋森朝騎。天闈謹契魚。後先陪買馬。左右揖嚴徐。朱閣霜清外。璇題日上初。辭林精采擷。藝圃縱遊漁。決勝楸枰。暝窮歡綺席。舒朝昏升紫闥。咫尺待雕輿。玉壘俄鄉思。銅符忽詔除。綵衣承几杖。華轂照園廬。四郭柑垂蔭。千

勝。稻。散。渠。壺。漿。迎。露。冕。鏡。吹。擁。高。旗。有。德。能。仁。虎。無。欺。
恥。怒。狙。道。塗。繁。揖。讓。狂。獄。絕。淪。胥。滯。穗。棲。場。圃。鳴。桴。靜。
里。閭。貧。寧。費。官。燭。饑。不。茹。家。蔬。翁。子。懷。青。綬。文。園。駕。赤。
車。古。今。相。與。校。勝。負。定。何。如。上。正。開。宣。室。人。方。誦。子。虛。
追。鋒。行。入。謁。委。佩。復。傳。臚。撫。己。聊。晞。驥。臨。民。遽。起。子。居。
然。耗。廩。祿。豈。不。愧。簪。裾。鷓。翼。顏。何。厚。錐。囊。意。未。摠。因。循。
戀。糠。粃。汨。沒。老。塗。淤。自。顧。徒。爲。爾。誠。非。益。者。歟。俄。承。呂。
公。檄。遂。策。阮。生。驢。驛。騎。傳。巴。徼。詩。筒。達。魯。墟。琳。琅。固。無。
價。燕。石。敢。沾。諸。

歷代大儒詩鈔

卷十八

司馬三

三八 采蘭堂

和始平公貽一二賓僚

儒冠藹藹從平津。東閣由來盛衆賓。終始何嘗忘教育。
高卑曾不閒疎親。共陪樽俎無虛日。空喜谿山得主人。
白雪屢歌殊未和。自知羞愧後車塵。

和始平公長句寄漢州何學士

勢交倏忽易蕭條。賴有伊人尚建標。須信松筠凌雪茂。
肯爲蒲柳望秋彫。欽賢高館三年別。廣漢專城百舍遙。
書紙如雲詩叩玉。數憑疾翼度青霄。

小園晚飲

賦得春字

公府豐暇豫。真成棄擲春。招邀俱勝友。爛漫醉芳辰。花
豔穠無敵。文鋒健有神。猶勝擁朱墨。終日坐埃塵。

李花

得韻同前

嘉李繁相倚。園林澹泊春。齊紈翦衣薄。吳紵下機新。色
與晴光亂。香和露氣勻。望中皆玉樹。環堵不爲貧。

奉和始平公酬大資政吳侍郎

道盛經綸業。文高翰墨場。雍容偃藩地。密邇鈞璜鄉。回
首紅塵遠。清心白日長。山形抱城堞。谿影照公堂。秬稷
千塍碧。芙蓉萬頃香。跨波橫略約。遍地亞篔簹。大莖禾
歷代大儒詩鈔卷十八

司馬子三

三五

采蘭堂

麻溢高齋几。席涼夔龍屢。賡唱東璧正。重光

野菊

野菊未嘗種。秋花何處來。羞隨衆草沒。故犯早霜開。寒
蝶舞不去。夜蛩吟更哀。幽人自移席。小摘泛清杯。

奉和始平公喜聞昌言修注

鳳口除書下。九闈簪紳拭目仰。殊恩曉提麟筆。依華蓋
日就螭坳記聖言。桃李新陰方藹藹。驪老至更軒軒。
主人喜見相如達。趣召鄒枚洗玉樽。

光與昌言俱出始
平公門下昌言時

年五
十

秋雨蕭條聞宗聖伎應之飲酒詩呈宜甫

寒風細雨未晴。天密似輕塵。薄似煙。一室獨吟圖史。亂
四鄰。高會綺羅。鮮鴈飛斜柱。絃隨指。蟹薦新螯。酒滿船。
自笑不歌。仍不飲。昏昏只解枕肱眠。

宜甫東樓晚飲

賓主俱歡醉。高樓迥倚空。形忘羈檢外。酒散笑談中。晚
市煙初白。秋園葉半紅。登臨不厭數。朝夕是寒風。

和聶之美重遊東郡二首

躍馬津亭未幾何。宦遊容易十年過。飄飄空似隨流梗。

歷代大儒詩鈔卷十八

司馬子三

三

宋蘭堂

寂寞猶爲挂壁梭。西嶺應餘當日翠。南湖真減幾分波。
之美云南浦比舊水涸過半 輪君尚得飛征蓋。重向春園聽舊歌。

南湖重過正逢春。官柳雖疎亦解新。臺榭傾欹賓友散。
臨風愁殺獨遊人。

龍女祠後塘。自生荷花數枝。與史誠之更相酬

和

平湖漠漠菱荷稠。水國芳春不勝秋。空有棹歌人不見。
晚風一曲去悠悠。

越女行歌縱棹輕。蒼茫別浦晚煙疑。荷花折盡不歸去。

澱澱扁舟不易勝。

荷底清漣照綺羅。長安公子舊情多。躊躇不去知君意。重唱吳音白紵歌。

賀監家居逸興饒。枝分鑑水潤容舸。穿荷宜去邀漁叟。共醉船頭半榼醪。

清江向晚採蓮稀。獨倚蘭舟久未歸。目斷可堪人不至。斜風細雨溼羅衣。

素舸朱蓬青竹篙。棹歌風散近還遙。斜陽借問歸何處。家住水村郎姓蕭。

歷代大儒詩鈔

卷十八

司馬子三

三

采蘭堂

別殿無人利自芳。玉階朱檻繞金塘。館娃寂寞無西子。羞與吳宮競曉粧。

贈吳之才

勝冠自立艱難裏。大器由來貴晚成。松柏儻非生磊落。巖崖何易出崢嶸。蘇秦遊困羞妻嫂。主父居貧厭弟兄。六印佗年擁車騎。會須重過洛陽城。

寒食許昌道中寄幕府諸君

原上煙蕪淡復濃。寂寥佳節思無窮。竹林近水半邊綠。桃樹連村一片紅。盡日解鞍山店雨。晚天回首酒旗風。

遙知幕府清明飲。應笑驅馳羈旅中。

和聶之美鴈

汲汲復栖栖。往來誰與期。映雲纔可見。入霧杳難追。羈枕夢初斷。寒閨涕已危。冥冥遠繪繳。愧爾獨知時。

和何濟川漢州西湖雜詠十七首

清風臺

太守金閨客。天朝應對才。非因版輿戀。寧駕使車來。水鑑秋毫盡。霜鋒錯節開。清風徧千里。不獨此高臺。

歷代大儒詩鈔

卷十八

司馬子三

三

采蘭堂

佇月亭

燈火動魚磯。湖邊過鳥稀。孤蟾久未上。五馬不成歸。長嘯風生座。高吟露滿衣。閒情無日厭。岸幘對清暉。

藥圃

三蜀膏腴地。偏於藥物宜。小畦千種聚。春雨一番滋。山相慙多識。桐君未徧知。他年似胡廣。養壽復扶衰。

竹塢

二何迹相繼。竹塢日陰森。濟川詩注云。前守何修撰不伐西湖竹子亦遵之。欲識養民意。先觀愛物心。低垂樽俎冷。密映管絃深。勿怪

湖光少年來碧影侵

射棚

疊鼓花前急紅旌竹外高。驚飈分白羽。餘響振烏號。壯觀傾春陌。謹聲涌夜濤。因茲型禮俗。豈獨事遊遨。

玉徽亭

房公昔漂泊。置酒此鳴琴。人事有憂樂。山光無古今。風流俱寂寞。結構尚蕭森。松竹含虛籟。猶疑絃上音。

書樓

使君有書癖。記覽浩無涯。況此孤樓迴。端無外物華。橫

歷代大儒詩鈔

卷十八

司馬三

三

采蘭堂

肱。歌。曲。几。搔。首。落。烏。紗。此。趣。人。誰。識。長。吟。窗。日。斜。

朔會堂

朔旦集僚吏。茲堂簪組繁。舞空孤鶴下。映日兩鳧翻。花散東方騎。萍浮北海樽。須知太守貴。鏡吹引朱輪。

浮觴亭

曲水華榭下。浮觴去復還。浪搖花影碎。日射酒缸殷。滅没遙尋客。徘徊怯度灣。窮歡不知醉。清泚照心顏。

清燕亭

波澄蔭羣木。永日湛清華。碧篠靜秋色。白蘋低晚花。松

聲工醒酒。泉味最便茶。外事付丞掾。無妨風景嘉。

流芳橋

橋下流芳度。餘春日夕催。呼人洗樽犖。招客藉莓苔。倚
柱時流滯。隨波乍往迴。仙家如不近。安得此花來。

曉景亭

簾櫳分曉色。遠樹子規啼。濃露侵衣冷。晴煙壓水低。神
遊靈境健。身入畫圖迷。衙吏無煩報。河洲鷺正棲。

假山

廣漢土平遠。已嫌邱壑疎。呼工刻巖洞。應手出庭除。縹

歷代大儒詩鈔

卷十八

司馬子三

三

采蘭堂

紗神仙宅。嵌空虎豹居。人功與天力。秀絕兩何如。

探花橋

橋邊春意近。五馬履徘徊。湖水旦暮深。林花早晚開。適
因嘗酒到。又爲賦詩來。借問雙華表。經過日幾回。

樂軒

繁絃凝綠水。疊鼓摻漁陽。風結舞初急。塵飛歌正長。鳧
鷺爭上下。棟宇爲低昂。太守且安坐。新聲未遽央。

坐船

使君張皂蓋。高宴碧湖心。再蕩牽菱蔓。夷猶泊柳陰。晚

風侵坐冷春浪沒篙深倒載歸何晚波閒夕照沈

枇杷淵

周官斂珍珠

場人掌國之場圃而樹之果疏珍異之物以時斂而藏之鄭康成曰珍異蒲桃枇杷

屬漢苑結芳根

初修上林苑羣臣遠方各獻名果異樹有枇杷十株

何意荒洲上

猶餘嘉樹存犯寒花已發迎暑實尤繁願逐蒲萄使離

宮奉至尊

寓泊鄭圃寄獻昌言舍人

旅食緇衣館飄蓬恍自迷樹橫寒霧遠山隱古原低愁暮空庭雀驚晨別墅雞故人何處在依約玉繩西

歷代大儒詩鈔卷十八

司馬三

五

采蘭堂

和運使舍人北園餞別行憩三交僧舍昌雪宿

百井關見寄

驪駒北上雪孱顏。欄矢前驅度漢關。僧室松杉清照眼。驛亭烟火迥依山。馬銜邊草枯猶瘦。鴈怯胡雲冷未還。賤子不須回首問。鬢毛蕭颯簿書閒。

自嘲

英名愧終賈。高節謝巢由。直取雲山笑。空為簪組羞。浮沈乖俗好。隱顯拙身謀。惆悵臨清鑑。霜毛不待秋。

讀穎公清風集四首

伊臯垂訓皆王度周召陳詩盡國風非獨立言方不朽
相君功業自無窮

人生百歲隙中光唯有高名久不亡千古但令編簡在
清風養物一何長

佳城鬱鬱閔英靈幸有文章見典型開卷未終雙袖溼
目前髣髴對淵庭

一言華袞足為榮況託文編久愈明鄒湛不逢羊叔子
世間何處復知名

公集有遺
光詩數章

贈狄節推 國賓梁公之孫

歷代大儒詩鈔

卷十八

司馬子三

三六 采蘭堂

天馬雲孫在終然骨相奇泥塗辱雖久霜雪志難移白
髮無嗟老青衫莫厭卑為山已九仞高節肯中衰

感春

積草滿春庭衡門永晝局波頭何事白柳眼為誰青榮
落浮雲度悲歡熟醉醒繁華非我物隨意任飄零

皇祐二年謁告歸鄉里至治平二年方得再來

愴然感懷詩以紀事

十六載重歸順塗歌式微青松敝廬在白首故人稀外
飾服章改流光顏貌非巫咸舊山色相見尚依依

辭墳

嘉祐元年通判并州因公事至絳私歸拜墳不敢至夏縣而去於今十年矣

十年一展墓。旬浹復東旋。豈負襁褓愛。橫遭章綬纏。更來知幾日。遺恨恐終天。慟哭出松徑。悲風爲颯然。

謁三門禹祠

信矣禹功美。獨兼人鬼謀。長山忽中斷。巨浸失橫流。迹與天地久。民無魚鼈憂。誰能報盛德。空爾薦醪羞。

鼯鼠窟崖裂。喧豕白浪豪。客舟浮木葉。生理脫鴻毛。柏

映孤峯短。

水際孤峯甚細而高上有小柏耆舊相傳不知幾何年矣而止長尺餘人莫測其理銘

書絕壁高。

唐太宗刻銘砥柱之陰魏鄭公撰字幾盈尺殘缺僅可讀河師不耕織。容

歷代大儒詩鈔

卷十八

馬子三

采蘭堂

易戲風濤。

遊三門開化寺

山石古來色。河流無盡聲。行船自往返。羣木幾枯榮。狂象調難伏。空華滅復生。我來何所得。聊此濯塵纓。

三月十五日宿魏雲夫山莊

先生嫌俗賓。猶與故鄉親。不惜煙霞地。誓容繯鎖身。林廬深有徑。雞犬四無鄰。赫赫闔花墮。蒼蒼古柏春。飯炊松粒細。盤采蕨芽新。靜覺精神健。閒知氣味真。谿泉冷毛髮。山翠溼衣巾。竹色消醒易。林聲破夢頻。客輪來去

轍驛路古今塵。明日空回首。白雲應笑人。

聞道山家門鎮開。獨驅瘦馬出塵埃。白雲明月先無約。何事今宵亦此來。

田橫墓 在偃師西

昔時南面並稱孤。今日還爲絳灌徒。忍死祇能添屈辱。偷生不足愛須臾。一朝從殉傾羣客。千古生風激懦夫。直使強顏臣漢帝。韓彭未必免同誅。

次韻和韓子華寒食沐浴與諸公同會趙令園暮歸馬上偶成

歷代大儒詩鈔

卷十八

司馬子三

三
采蘭堂

冠蓋連翩陌上來。風光爛漫擁樓臺。玉卮貯酒隨宜飲。綺席尋花觸處開。小雨前宵先發火。季春明日又吹灰。須知勝集人間少。惆悵金羈容易迴。

蘇才翁子美有贈扶溝白鶴觀黃道士詩紀于屋壁歲久漫滅今縣宰周同年得完本於民間抵予求詩

潦倒黃冠無足論。白頭嗜酒住荒村。狂名偶爲畱詩著。陳迹仍因好事存。金石鏘洋虛殿寂。龍蛇灑落古牆昏。飛黃滅沒浮雲外。疲馬何能望駿奔。

和景仁瓊林席上偶成

時康與禹玉景仁次道之子同登科在席

念昔瓊林賜宴歸。綵衣綠綬正相宜。將雛雖復慰心喜。
負米翻成觸目悲。殿角花猶紅勝火。樽前髮自白如絲。
桂林衰朽何須恨。幸有新枝續舊枝。

和吳仲庶寄吳

瑛

比部安道之子壯年致政歸

隱蘄春

負米承親願已賒。

遭母憂服除遂致仕

恥隨雞鶩啄泥沙。一朝投

絨真高士萬卷藏書舊世家。齒髮未衰非藥物。山林不
返爲雲霞。龐眉尚有郎潛者。狗祿憂生直可嗟。

歷代大儒詩鈔

卷十八

司馬子三

三

采蘭堂

別長安

暫來還復去。夢裏到長安。可惜終南色。臨行子細看。

初到洛中書懷

三十餘年西復東。勞生薄宦等飛蓬。所存舊業惟清白。
不負明君有樸忠。早避喧煩真得策。未逢危辱好收功。
太平觸處農桑滿。羸取閭閻鶴髮翁。

秋夜

浮雲一消散。星斗粲長天。浩露灑翠柏。清香生白蓮。體
涼猶衣葛。耳靜已無蟬。坐久羣動息。秋空唯寂然。

樂

吾心自有樂。世俗豈能知。不及老萊子。多於榮啟期。緼袍寬稱體。脫粟飽隨宜。乘興輒獨往。攜筇任所之。

和邵堯夫秋霽登石閣

飛簷危檻出林端。玉屋高邱咫尺閒。獨愛高明遊佛閣。豈和憂喜滿塵寰。目窮莽蒼纖毫盡。身得逍遙萬象閒。暇日登臨無厭數。悲風殘葉已珊珊。先生冬夏俱不出

和河陽王宣徽

拱辰字君貺

九日平高閣宴集

九日英僚集。三秋勝賞同。飛橋貫河渚。危閣壓霜風。金

歷代大儒詩鈔

卷十八

司馬子三

四

采蘭堂

散黃花泛雷。驚疊鼓通千峯高。鳥外萬里寸眸中。檻底臨丹葉杯中。倒碧嵩來雲低拂座去。鴈遠沈空吹帽陪遊阻。搖旌結想叢風流。免埋滅鄒湛倚羊公。

柏梯寺

鑿石開蹊峻。登崖置閣危。笑談空谷應。步武白雲隨。衆壑如翻浪。鄰州若布碁。何當遂棲隱。身世兩相遺。

追和張學士從沂公遊廣固城

蒼鵝集宋幕。遊鹿上燕臺。霸氣山河盡。王師江漢來。重圍經歲合。嚴鎖夜深開。廢殿餘沙礫。頽牆翳草萊。清時

閒千歲。良牧借三台。獄市乘餘暇。蕪城賦上才。

石昌言學士宰中牟日爲詩見寄久未之答今

冬罷武成幕來京師此詩謝之

昔年三月浪鱗翼化雲雷。竹箭流俱上芙蓉幕對開。

昌言除同州推官光華州判官灑泉揚沸涓。泰華聳崔嵬。捧檄容歸省。

飛觴復屢陪。時先人知同州光以吏事時往省親復得與昌言遊芬芳襲芝室。嘉

慶侍蘭堦。吳壁評殘筆。隋碑讀漬苔。同州龍興寺卽隋文帝故宅寺有李

德林撰碑國公吳道子畫畫或清陰依玉樹和氣樂春

臺。薄宦俄成別。私門忽遇災。一朝捐綵服。五載泣麤縗。

歷代大儒詩鈔 卷十八 司馬三 聖 采蘭堂

季路還從仕。任安獨見衰。近畿須健令。劇邑試長才。過

目全牛解。迎鋒巨擘摧。雉畱乘蔭伏。蝗避境苗迴。時得

鳴琴暇。仍飛麗句來。正知榮篋筭。無足報瓊瑰。紉鼓俄

攀鄧安車。已召枚賦成。平樂館燕奉。柏梁盃自顧。誠篤

緩。于今尚草萊。履穿羞路雪。益敞怯京埃。儻借餘光

便。炎風動死灰。

上元書懷

老去春無味。年年覺病添。酒因脾積斷。燈爲目疴嫌。勢

位非其好。紛華已久厭。唯餘讀書樂。暖日坐前簷。

西臺詩二十四韻

翰苑昔陪侍。天光辱顧瞻。寵雖承渙汗。功不立毫纖。山
鹿纓頻頓。鉛刀礪不銛。拭花眸子缺。撚雪領髭添。闕影
慙尸素。胡顏處禁嚴。辭盈雖免戾。取少詎因廉。定鼎分
都異。張官報法兼。剡章愚懇盡。出綽茂恩霑。原憲非無
粟。胡威尚有縑。求田近瀍洛。買宅混閭閻。地僻宜花卉。
兒勤付米鹽。倦遊良足悔。居吉不煩占。裘葛膚無見。困
倉飯屬饜。僧居閒可借。野步靜無嫌。行藥筇枝瘦。延賓
稻醴甜。麥田泥試屐。桑蔭帽低簷。愛竹忙猶種。貪書老
歷代大儒詩鈔

卷十八

可馬子三

聖

采蘭堂

未厭松煙淡。石潤檀爐博。山尖賤啟來。慵折衣冠脫。怕
拈紫毫斜倚架。黃巷密垂籤。涸轍猶蒙潤。寒灰免附爇。
所愛資秩滿。但願歲將淹。自是散無用。非爲智養恬。聖
朝英彥富。幸許一夫潛。

獨樂園 二首鈔一

獨樂園中客。朝朝常閉門。端居無一事。今日又黃昏。

和邵堯夫年老逢春

年老逢春春莫哈。朱顏不肯似春回。酒因多病無心醉。
花不解愁隨意開。荒徑倦遊從碧草。空庭慵掃自蒼苔。

相逢談笑猶能在。坐待牽車陌上來。

送酒與邵堯夫

紅櫻零落杏花開。春物相催次第來。莫作林閒獨醒客。任從花笑玉山頽。

再和邵堯夫年老逢春

年老逢春猶解狂。作歌南陌上東岡。晴雲高鳥各自得。白日遊絲相與長。草色無情盡眼綠。花林多思襲人香。吾儕幸免簪裾累。痛飲閒吟樂未央。

又和來韻

歷代大儒詩鈔

卷十六

司馬子

四三 采蘭堂

年老逢春無用驚。對花弄筆眼猶明。不嫌貧舍舊來鷺。喚起醉眠何處鶯。一僕相隨巾幅出。羣童聚看小車行。人閒萬事都捐去。莫遣胸中氣不平。

邵堯夫許來石閣久待不至

淡日濃雲合復開。碧嵩清洛遠縈迴。林端高閣望已久。花外小車猶未來。

和邵堯夫安樂窩中職事吟

靈臺無事日休休。安樂由來不外求。細雨寒風宜獨坐。暖天佳景卽閒遊。松篁亦足開青眼。桃李何妨插白頭。

我以著書爲職業。爲君偷暇上高樓。

遊山呈范景仁

景仁年六十三致仕

我祿多龔舍。舍爲吏不過六君年少孔幾。幾七年致仕韓愈留之

道心閒始見世路。老方知山水不相厭。風光難豫期。嬉

遊不可緩。花卉卽離披。

還陳殿丞原人論

宗密所撰破自然破元氣破天命明佛性

品物芸芸遊太虛。不知誰氏宰洪爐。一株花落分榮辱。

萬竅風號見有無。覺後共占猶是夢。衣中所得亦非珠。

何如鼓瑟浴沂水。春服成時詠舞雩。

歷代大儒詩鈔

卷十八

司馬子三

罍 采蘭堂

酬張三十秀才 景昌字子京 見贈

樸學居人後。清塗忝衆先。孤因無用棄。木爲不材全。比

得林泉趣。仍依邑里賢。自慙頭半白。方解賦歸田。

酬邵堯夫見示安樂窩中打乖吟

安樂窩中自在身。猶嫌名字落紅塵。醉吟終日不知老。

經史滿堂誰道貧。長掩柴荆避寒暑。只將花卉記冬春。

料非空處打乖客。乃是清朝避世人。

江南 揚州府梅花書院孝廉堂 受業諸子重校

歷代大儒詩鈔卷十八

